

PREASSADIEDÁHUS

SDGB dáiddárstipeandda juolludeamit jagis 2024

Sámi Dáiddáriid ja Girječálliid Buhtadusfoanda (SDGB) lea háldenfoanda buhtadussii mii máksojuvvo oktasaš vuoduin sámi govvadáiddáriidda, dáiddaduojáriidda ja dáiddalaš govvideaddjiide ja girječálliide. SDGB ruhtada Stáhta girjerájusbuhtadus, čájáhusbuhtadus ja mánngenbuhtadus, ja Sámedikki čájáhusbuhtadus.

Čuovvovaš govvadáiddárat, dáiddaduojárat, ja dáiddalaš govvideaddjit ožžot stipeandda:

Bargostipeandda jahkái oažžu Bente Geving guhte bargá govvideaddjin ja su bargu lea hirkmat dehálaš Davvikalohta sámi historjái. Dáinna stipeanddain árvvosmahttit su oasi ja viššalvuoda Lars Levi Læstadiusa čállinráiddu barggus, mas Bente lea oaiváduvvan su sámi mytologijja ja ipmiloahpu dutkosis.

Bargostipeandda jahkái oažžu Gerd Welving Matre su dáiddalaš barggu ovddas mas olbmuid, ealliid ja luonddu gaskasaš doaibma lea nannosit oidnosis, omd. modifiserejuvnon bargu ráhkaduvvon muorramáddagiin main sávzzat leat bárkku jursan. Bargostipeandda oažžu go son 2024 giđa áigu doallat čájáhusa Sámi Dáiddaguovddázis.

SDS stipeandda boarrásat dáiddáriidda 110 000,- ru. Britta Marakatt Labba go son lea okta sámi beakkálmas dáiddáriin. Son bargá tekstiillain, litna dujiin, ja galggašii ráfis beassat bargat su ivdenteknikkaid ovdánahttimiin.

SDS stipeandda boarrásat dáiddáriidda 110 000,- ru. Inger Blix Kvammen barggus ovddas mánggalágan ávdnasiid ja teknikaid anedettiin main ovdan oažžu nissoniid giehtabargovieru, ovddeš buolvvaid ja johtti čearddaid gaskavuoda lundui, ceavzilis luondduriggodaga ávkkástallamii ja ávnnasatnimii. Dás lea sáhka fas oahppat dan ja dan fas boktit konseptuealla objeavttaid ráhkademiin oktanas konteavsttas.

Ávnnasstipeandda 51 000,- ru. Charlotte Nilsen dutkat ja buvttadit mánga su čuohecci bácci «Å hele». Son áiggošii iskat ja geahččalit mángga čoahkkádusa. Mihttun lea gerget prošeavtta jagis 2028 katalogain mas báccit leat studios govvejuvnon.

Ávnnasstipeandda 23 000,- ru. Grehte Gunneng áigu stipeandda atnit reaidduid oastimii dan oktavuhtii go lea prošeavtta olis fitnamin dutkanmátkkis Københápmanis ja Ruonáeatnamis.

Ávnnasstipeandda 28 000,- ru. Ingunn Moen Reinsnes áigu stipeandda atnit govaid málemii su čájáhusaide ja oktasaš joavkočájáhusaide.

Ávnnasstipeandda 21 691,- ru. Gerd Grimsø oastit rámmemiidda ja málemiidda atnobiargasiid, báhpáriid ja beallemasaid.

Mátkestipeandda 50 000,- ru. Lene Westerås. Mii geavvá go Gaska-Nuorti deaivvada Sámiin? Lene áigu vuolgit Libanonii joatkit fotografalaš prošeavttain mas son dássádaddá libanesalaš nissonportreahtaid sámi nissonportreahtaguin mat fátmastit min oktasaš árbbi, olmmožin ja ráfi guoddin.

Mátkestipeandda 50 000,- ru. Gjert Rognli. Multidisiplineara dáiddár oažžu mátkestipeandda prošeavttaidis ráhkadeapmái ja gárvvisteapmái.

Mátkestipeandda 30 000,- ru Marte Lill Somby, mátkái New Yorkii «The Awe of the Artic» joavkočájáhusa rahpamii 2024 njukčamánu. Mátki lea dehálaš su dáiddalašvuhtii ja deaivvadeapmái eará kurahtoraiguin ja dáiddáriiguin, earret finadit museain ja galleriain.

Mátkestipeandda 45 000,- ru Hanne Grethe Einarsen. mátkkoštit Bergenii bargan dihtii stuorra formáhtta silkedeaddileami ráidduin.

Mátkestipeandda 20 000,- ru. Christin Løkke, mátkkošteapmái Romsii ja Finnmárkui 2024 giđa dutkkadit iežas “dialoger” ráiddu oktavuodas.

Čájáhusstipeandda 40 000,- ru. Siv Marit Turi, bargat «Uhca Nillá» govvaráiddu 20 jagi ávvudemii, mii galgá CD:s čájehuvvot.

Čuovvovaš girječállit ožžot stipeandda:

Bargostipeandda jahkái oažžu Maarit Hivand. Son lea bargamin sihke girjeráidduin ja erenoamáš diktagirjjiin mánáide. Lea dehálaš ahte sámegillii čállojit mánáidgirjjiid.

Prošeaktastipeandda 90 000,- ru. oažžu Kirsi Máret Paltto guhte lea bargamin diktagirjjiin mas temá lea *Dat masa eai leat sánit*. Divttat leat eallima losit beliid birra. Proseassas oahppá ovdanbuktit lossa áššiid ja nu nagoda geahppudit lossa dili. Kirsi lea maid bargamin performánsain mas leat divttat ja lihkadeamit. Jurdda lea filbmet muhtun oasi ja daid almmustahttit sosiála medias vai olahivččii gehččiid ja lohkkiid geat eat loga girjjiid.

Proeaktastipeandda 50 000,- ru. oažžu Rauni Magga Lukkari guhte áigu čohkket mitalusaid Deanuleagi nissonolbmuid birra prošeavttas *Mu ovdavázzit, mu healttat*. Rauni áiggošii fitnat Ohcejogas vuoras olbmuid ságain. Girječállis lea miellagiddevaš fáddá. Vuorrasit sámi nissoniin lea nu ollu diehtu, máhttu ja mitalandáidda. Ja leage hui mávssolaš daid čállit, vai eai vajálduhtto Sámis – ja eandalii sámi nissonolbmuid lea nu rikkis mitalanmáhttu. Sámi nissonolbmuid birra áinnas ain dárbbasit gullat, čállojuvvo hámis.

Prošeaktastipeandda 67 000,- ru. oažžu Mary Áilonieida Sombán. Son lea bargamin diktagirjjiin, ja áiggošii mátkkoštit Floridai gos beaivvášgáttis deavddášii mánggalágan jurdagiid čállimii. Mary lea okta min čeahpes muitaledjjiin ja čállin, geas sihkkarit bohtá vuorddekahtes ja somás čálu diekkár mátkkis. Son áiggošii velá guorahallat luhtedajahusaid mat dološ oskkus leat čuvvon min áigái.

Prošeaktastipeandda 40 000,- ru. oažžu Liisa Tellervo Helander. Son áigu geavahit prošeaktastipeandda muitalit vásáhusaid mat su eatnis ledje go suomabeale olbmot šadde nuppi máilmmisoađi áigge báhtarit Yliveskai, Oulu lahka. Čáli lea ohcamin soapmásiid geat sáhtášedje muitalit dan áiggi birra. Dárbbasivččiimet duođai dákkár girjjiid, mat muitalit historjjálaš duohtadáhpáhusaid.

Dasa lassin lea Liisa gárvvisteamen mánáidgirjji Miesi birra mii báhtarii ealus eret. Diet guokte mánusa čatnasit sisdoalu dáfus miellagiddevaččat oktii.

Prošeaktastipeandda 25 000,- ru. oažžu Siv Marit Ekaas Turi, guhte áigu ráhkadit 20 jagi ávvočájáhusa *Uhca Nillá* sárgunráiddu birra. Ávvočájáhus čájehuvvo Sámi Vuorká Dávviiriin guovvamánus 2024. Sárgunráidu lea badjebearraša birra, Áhčč, Uhca Nillá ja eadni Elle ealliba árbevirolaš badjedilis. Nuora guovttos Máret ja Lemet fas leaba odđaaigásaš sápmelaččat. Soai rahčaba sihke badjedilis ja odđaaigásaš eallimis. Sárgunráidu čájeha rievdadusaid mat leat leamaš badjedilis, sámi servodagas ja birrasis. Sárgunráidu speadjalastá dáhpáhusaid humoristtalaččat

Ávnnasstipeandda 31 000,- ru. oažžu Mary Áilonieida Sombán oastit Dustin Home printera.

Ávnnasstipeandda 12 000,- ru. oažžu Liisa T. Helander oastit Ipad Pro Footnote.

Ávnnasstipeandda 8 000,- ru. oažžu Karen Anne Buljo oastit sisterumbbu.

Mátkestipeandda 50 000,- ru. oažžu Mary Áilonieida Sombán. Son áigu fitnat Floridas ja mátkkoštit doppe ja oažžut jurdagiid ja inspirašuvnna čállit mánáidgirjjiid. Mary lea okta min čeahpes muitaleaddjiin ja čállin, geas sihkkarit bohtá vuorddekeahces ja somás čálu diekkár mátkkis, go sus lea miellagiddevaš prošeakta.

Mátkestipeandda 26 000,- ru. oažžu Liisa T. Helander. Son lea čállimin eatnis vásáhusaid birra go soadiáigge šadde báhtarit Yliveskái. Dán oktavuodas ohcá mátkestipeandda johtit Osloves Gáregasnjárgga bokte Oului gos áigu fitnat sámi arkiivvas dieđuid ohcan dihtii.

Mátkestipeandda 25 000,- ru. oažžu Karen Anne Buljo. Son áigu fitnat Kárášjogas Sámedikki girjerádjosis ja maiddá Kárášjoga girjerádjosis. Háliida háleštit eará sámegiel girječálliguin geat orrot Kárášjogas ja suoma bealde. Son finada velá Leavnnja girjerádjosis beaivemohki.

Mátkestipeandda 25 00,- ru. oažžu Marianne Solbakken Boine. Son lea čállimin nuoraid noveallaid tabuáššiid birra. Dan oktavuodas áigu jearahallat dán fáttá birra nuorain ruota bealde ja maiddá nuorain julevsámi guovllus. Áiggošii singuin háleštit makkár áššit sin mielas leat tabuáššit ja makkár áššiin háliidit eanet rabasvuoda.